

# MAFAHALI WA KALE WAJITOKEZA

WACHEZAJI wa soka katika enzi, za kutoka miaka ya 50 ambao waliwahi kuwakilisha Kombaini ya Mombasa, timu ya Mseto ya Pwani na timu ya taifa ya Kenya katika mashindano kadha wamejitokeza kuanzisha timu yao. Akitangaza habari njema hizo, Bw. Badi Saidi ambaye ndiye mkufunzi wa timu hiyo aliliambia COASTWEEK kwamba jina la timu litajulikana kama "Wazee wa Kazi" na ni wale wachezaji waliokuwa maarufu miaka ya nyuma ndio watakoichezea.

Bw. Saidi alizidi kuongeza kuwa wameshaanza mazoezi kabambe ya kujitayarisha kucheza na timu kadha katika Mombasa, katika wilaya nyingine za Pwani na katika sehemu nyingine za Kenya.

Mwalimu huyo wa "Wazee wa Kazi" FC alisema kwamba wameamua kuanzisha timu hiyo ili vijana wanaoinkia wawafahamu wazee wa kale waliokuwa wakilisakata soka la hali ya juu na waliopata kila gina ya sifa.

"Hii itawafanya vijana wa sasa kujiungeza bidii katika mazoezi yao na sina budi kuviambia vilabu vingine vijihadhari kwani tutakuwa tayari kupambana na timu yoyote na muishangae kama mbinu zetu zitawazidia na tutaibuka na ushindi", akaongeza Bw. Saidi.

Alikatiri kwamba timu yao ina imani kamili na maongozi valiyoko kwa wakati huu ya Shirikisho la Soka (K.F.F.) Pwani chini ya uenyekiti wa Bw. Saidi Khamisi. "Tunathakikisha afisi ya K.F.F. kuwa hatuna nia mbaya nayo kwani tuna uaminifu wa kutosha na kutahitaji msaada ili tujieledeze", akasema.

Baadhi ya wachezaji ambao wamo katika timu hiyo ni pamoja na aliyekuwa jogoo la Liverpool, Jabir Ali Riziki, Sare, Musu na miamba kadha ya feisal akina Ali Kajo, Ahmed Omar na Ahmed Breik. Na wengine wengi ambao wameanza kutihami timu hiyo ya wazee wa Kazi.

Timu hiyo inafanya mazoezi kila siku ya Jumapili katika uwanja ambapo Feisal inacheza. Mazoezi hayo hutanyika nyakati za asubuhi

## AHSANTE RAIS



• Bw. SALIM

MGOMBEA kiti cha udiwani katika eneo la Kongowea, Bw. Khalef Salim amemshukuru Mtukufu Rais Moi pamoja na chama cha Kanu kwa kumuidhinisha na kumpatia kibali kuwa mmoja wa wapiganwa wa kiti hicho cha Kongowea mjini Mombasa.

Katika taarifa yake, Bw. Salim alisema: "Nitajitolea niki-shirikiana na Kanu katika kueledeza maendeleo nchini kwa njia ya amani, upendo na umoja ili kutimiza yale Mtukufu Rais Moi anatumka viongozi tuafute mwito wake wa filofilia Nyayo kwa vitendo".



Mkuu wa Polisi Mkoani Pwani, Bw. Kamau (katikati) anaonekana akiongea na mwenyekiti wa kamati wa ASK Pwani, Bw. G. Kassim Owango (kushoto) hali mwenyekiti mdogo, Bw. Brown Ondego (kulia) na maafisa kadha wakiangalia wakati alipotebelea uwanja wa maonyesho wiki iliyopita.

PICTA: CAESAR MADDANGANHA



HARUSI ya kufana ilifanyika katika ukumbi mpya wa Ujamaa Social Club, Majengo mjini Mombasa. Bw. Harusi, Abdu Rizik, Abaid Farhan ambaye ni mwanachama wa Black Panther FC anayefanya kazi Saudi Arabia anaturukiwa zawadi na mwenyekiti wa klabu hiyo, Bw. Omar Maulana.

## Asemavyo Mhariri:

### K.F.F. TAWI LA PWANI WASIWASAHAU "WAZEE WA KAZI"

KATIKA UKURASA huu tumeichapisha habari fupi kuhusu timu ya kandanda iliyoanzishwa hivi karibuni ikiwa na wachezaji wengi maarufu wa enzi zililopita; wachezaji ambao wengi kati yao waliwahi kuwakilisha taifa letu katika mapambano kadha ya kimataifa na waanzilishi wa timu hiyo wamejina kama **Wazee wa Kazi**.

Hakika kuanzishwa kwa timu hii ni jambo la maana la kuwakumbusha vijana ambao wanainukia kwa wakati huu ni akina hani na ni miamba gani waliokuwa maarufu katika enzi za miaka kutoka, 50, 60, 70 na mwanzoni mwa miaka hii ya 80. Hakika kwa kuwa kama alivyotufahamisha (kocha) wa timu hiyo, Bw. Badi Saidi kuwa wako nyuma ya Shirikisho la Soka (K.F.F.) Pwani, hakuna la kutia shaka kama kuanzishwa kwa timu hiyo kuna nia mbaya yoyote.

Jambo la kufurahisha zaidi ni maelezo ya Bw. Saidi ambaye alitufahamisha kwamba wanasoka hao wa "kale" wameshaanza mazoezi kabambe na wako tayari kuchuana na vilabu kadha ya hapa Pwani pamoja na vilabu vingine katika kila pembe ya Kenya. Jambo la kufurahisha pia limejitokeza na kama alivyoniifahamisha mmoja kati ya wachezaji wa timu hiyo kwamba watakuwa tayari kuvijua vilabu vichanga vipate kujiendeleza.

Kuna baadhi ya wachezaji wa sasa hawafahamu akina Jabir Ali Riziki, Ahmed Breik, Raphael Omollo, Said Badi, Khamisi Ali, Ali Kajo, Ahmed Omar kama walikuwa baadhi ya wanasoka waliowika nyakati hizo na hata kama wanawajua kwa sura, hawakujua ni sifa gani baadhi yao na wengine ambao sikuwajua walikuwa nazo katika ukumbi wa soka.

Niwajibu wa K.F.F. Pwani kufanya kila liwezekanalo kuona timu hii inadumisha na wachezaji wake wanapewa heshima ya kuruhusiwa kuona michuano yote yanayofanyika katika stadium ya Mombasa kwani wamepoteza muda mwingi wa maisha yao katika kulisakata soka la hali ya juu; na ni wao ambao walifanya uwezekano hata wakapatia mkoa wa Pwani na Kenya sifa katika mechi kadha.

Kama nia ya timu hiyo ni kusaidia vilabu vinyoimukia na pia kuisaidia K.F.F. kwa njia ya kujitafutia fedha za kuendeleza soka mkoani, basi nayo K.F.F. inastahili kuisaidia katika kujenga timu hii ambayo nina uhakika baada ya mwezi mmoja ama miwili, huenda ikawika kuliko baadhi ya timu tulizonazo wakati huu.

Mashabiki wa soka kote Mkoani Pwani pamoja na mashirika na makampuni ya binafsi wajitolee kuona timu hii inataulu katika lengo lake. Vifaa vya kuchezea soka kama viatu, jezi na mahitaji muhimu ni baadhi ya msaada ambayo timu hii inastahili kuyapata na nina uhakika wako watakojitolea kuona "Wazee wa Kazi" wanajieledeza ili wapate kutuonyesha mbinu za kale la kulisakata kabumbi!

ABDULRAHMAN SHERIFF



## HAKUKUWA NA MSAMAH TENA - SI GHARKA HIYO!

GHARKA - MAFURIKO: AMRI ya Mwenye-ezi-Mungu ikapita, hakukuwa na msamaha tena wala toba! Hakukubaki hata thuluthi ya ardhi ambayo haikufinikwa na maji! Kulinyesha na kunyesha kama kwamba mbingu ni chungu! Hata ardhi haikuweza kuyanzuilia maji hayo, mafuriko yalipanda mpaka yakawazingira wote wale waovu kutoka kila upande!

Mwenye ezi Mungu akamfendisha wahyi Nabii Nuh akamwambia, "Wachukuwe walio amini katika watu wako, pamoja na maji yako katikasafina hiyo". Na alimwambia achukue mnyama na ndege wawili wawili, mke na mume kwenye safina hiyo. Kwani mafuriko hayo yalizingira kila kitu, hapakuwa na mtu wala mnyama aliyeweza kunusurika.

Nuh (A.S.) akafanya kama aliyowamshwa, wale walioamini kati yao pamoja na maji yake na jike na dume la wanyama na ndege. Safina hiyo ikaolea kwenye mawimbi makali, ikapanda mawimbi kama kwamba ni miina mrele. Na wale mafasiki wakapanda kwenye vilima na mahali palipo paa kukimbia hayo mafuriko, lakini wapi! Siku hiyo hakukuwa na pakukimbia wala hakukuweza kukimbia radda ya Mwenye ezi-Mungu isipokuwa kurudi kwake yeye Mola.

MTOTO WA NUH: MIONGONI mwa wale waliokataza kuamini alikuwamoto wote wa Nuh wa kume. Roho ya uzazi ikampiga Nuh, bila shaka namna ya mtu atakavyo mchukua mtoto wake lakini akifikwa

na maafa lazima mzazi atataharaki. Basi Nabii Nuh hakuweza kustahamili akamwita, "Ewe mwanangu njoo na sisi katika Safina hii, usende na hao mafasiki!" Mwanee akamjibu, "nitakwenda kwenye miina mkubwa, na huko mafuriko hayatanifikia".

Nuh zkamjibu, "Leo hakuna mtu atakayenusurika na ghadhabu za Mwenye-ezi-Mungu isipokuwa wale aliowarehemu" na hapo hapo mawimbi yaliwa-tenganisha Nuh na mwanee na wote wale waliokamika. Nuh akahau zunka sana na akafika mwanee aepushwe na moto na aingie peponi ijapokuwa hakuweza kuokolewa na mafuriko hayo pamoja na adhabu ya kufufuliwa kuwa kubwa zaidi.

Hata hivyo Nuh akakumbuka ahadi ya Mwenye-ezi-Mungu aliyompa ya kuwanusuuru maji yake na Mungu havunji ahadi yake. Kwa hivyo Nabii Nuh akakata shauri kumuomba mwanee kwa Mwenye-ezi-Mungu.



Je, itakuwaje juu ya ombi la Nabii Nuh kwa Mola wake kuhusu msamaha kwa mwanee? Yote utayapata katika sehemu ya mwisho ya makala haya ambayo yametayarishwa na Aisha A. Omar katika sehemu zake mbili za mwisho zenye vichwa: "Mtoto wako sikatika wema" na "Baada ya Mafuriko". Kwa hivyo fahamu Safina ya Nuh itamalizika wapi katika COASTWEEK wiki iliyayo.

# Farucci Coastweek

JISHINDIE VIATU MARIDADI VYA FARUCCI KWA MSHINDI WA KWANZA NA T-SHIRT KWA WASHINDI WA PILI NA WATATU KATIKA SHINDANO JIPIYA LA KUJAZA MANENO SWAHILI CROSSWORD No. 169

#### KWENDA KULIA:

1. Chombo cha kuti-zamia viini vya ugonjwa
6. Shika, kamata.
7. Toa idhini
8. Kungwaa
9. Jina la kike
10. Aina ya ndege
12. Angalia, fungua macho
15. Funga ndoa
16. Ufupi wa "Lengo Hasa"
17. Ota, chipuza
18. Bembeleza.

#### Washindi wa Fumbo La Kujaza maneno No. 168.

1. Ahmed, Mosin, Sanduku la Posta 112, MALINDI
2. Miss Jane Pili, Sanduku la Posta 90204, MOMBASA.
3. Idris Ramadhan, Sanduku la Posta, 98841, MOMBASA.


Washindi waombwa wafike afisini mwa COASTWEEK.

#### MAJIBU YA SHINDANO LA FUMBO LA KUJAZA MANENO No. 168.

- KWENDA KULIA
1. SEBULE, 4. US, 6. NARANDA,
  7. KU, 8. ADUI, 9. AL,
  10. RAHISI, 12. UCHI,
  14. ANUA, 16. UK, 17. ILIKI,
  18. AUA.

#### KWENDA CHINI

1. SANDARUSI, 2. UJASIRI,
3. ENDESHA, 5. SIMULIA,
7. KASUKU, 11. INUA, 13. HII,
15. NI.



JINA.....

SANDUKU LA POSTA.....

#### Shindano la Fumbo La Kujaza Maneno:—

Uamuzi wa majaji utakuwa wa mwisho. Hakuna malalamiko yoyote yatakavyokubaliwa. Washindi watatu kila baada yawiki mbili watapatia viatu na T-Shirt maridadi. Shindano hili lime-dhaminiwa na COASTWEEK limited Mombasa.

Jawabu za fumbo hili lipelekwé kwe Muhariri COASTWEEK Sanduku la Posta 87270, Mombasa, Kenya. Siku ya Jumatano tarehe Septe 14, 1983, saa nne asubuhi shindano hili litakuwa mwisho.